



CONCELLO DE BOQUEIXÓN  
(A CORUÑA)

Forte s/n – Boqueixón  
Teléfono: 981- 51 30 61  
Fax: 981- 51 30 00  
C.I.F.: P-1501200-H  
C. electr: [correo@boqueixon.es](mailto:correo@boqueixon.es)  
WEB: [www.boqueixon.com](http://www.boqueixon.com)

## DECRETO

A piscina municipal ten a necesidade de contratar a 2 socorristas para a tempada de verán, a xornada completa:

► Un socorrista estará contratado a través dunha subvención concedida a través da convocatoria (FO023B/2016) do programa de socorrismo dirixida a concellos da provincia da Coruña durante o exercicio 2016 pola Deputación da Coruña, cuxo código de expediente é 2016000006259.

► E outro socorrista a través de subvención para a contratación de traballadores desempregados en colaboración coas entidade locais da Consellería de Economía, Emprego e Industria da Xunta de Galicia. Núm. expediente 2016/122-1.

É necesario persoal para facer as funcións de socorrista na piscina municipal de Boqueixón, xa que durante o mes de agosto deste ano o monitor deportivo municipal ten solicitado e concedidas as vacacións correspondentes a este ano 2016, e dado que a piscina municipal, na época na que nos atopamos, está a pleno rendemento precísase de persoal suficiente.

O decreto 103/2005 de 6 de maio, polo que se establece a regulamentación técnico-sanitaria de piscinas de uso colectivo, no artigo 29 apartado 1/ establece que todas as piscinas, deberán ter polo menos un socorrista, con titulación suficiente o cal permanecerá nas instalacións durante todo o tempo que estas se atopen abertas ao público.

O artigo 20. 2 da Lei de presupostos xerais do estado para 2016 establece “durante o ano 2016 non se procederá á contratación de personal temporal, nin ó nomeamento de persoal estatutario temporal ou de funcionarios interinos salvo en casos excepcionais e para cubrir necesidades urxentes e inaprazables que se restrinxirán ós sectores, funcións e categorías profesionais que se consideren prioritarios ou que afecten ó funcionamento dos servizos públicos esenciais.” No apartado 4 do mesmo artigo, establece que a contratación de persoal laboral temporal e o nomeamento de funcionarios interinos e de persoal estatutario temporal, nas condicións establecidas no apartado 2 deste artigo requirirá a previa autorización do Ministerio de Hacienda y Administraciones Públicas.

O Real Decreto Lexislativo 1/1995 polo que se aproba o estatuto dos traballadores no artigo 37 apartado 1/ establece que os traballadores teñen dereito a un descanso mínimo semanal, que como regra xeral comprenderá a tarde do sábado (ou no seu caso a mañá do luns) e o día completo do domingo.

Por outro lado, débese ter en conta que a Deputación aporta o importe de 4.000 euros para a contratación dun socorrista durante o período que abranda o 24 de xuño ata o 31 de agosto de 2016, que inclúe os gastos salariais, seguridade social da empresa, e indemnización por fin de contrato; e a Xunta de Galicia aporta 2.666,66 euros para a contratación dun socorrista durante o período de 2 meses (aproximadamente entre o 1 de xullo e 31 de agosto), que inclúe os gastos salariais, seguridade social da empresa.

Coa prioridade de que ambos traballadores sexan remunerados polo mesmo importe ó tempo traballado, posto que teñen a mesma categoría profesional, o concello aportará o importe de 928,10 euros para a o confinanciamento de parte dos costes do socorrista financiado pola Xunta de Galicia durante os mesmos días.

Consecuentemente, é imprescindible, realizar a convocatoria de 2 prazas, como segue:

1º Aprobar o importe de 928,10 euros con cargo ó capítulo 1 do presuposto municipal, para o aboamento do posto de socorrista subvencionado pola Xunta de Galicia.

2º Contratar con cargo á subvención concedida por Deputación da Coruña, un socorrista para que permaneza nas instalacións da piscina municipal de Boqueixón durante os meses de verán a partir do 24 de xuño ata o 31 de agosto de 2016, o cal xustifica a necesidade da contratación pois a piscina é, precisamente nesta época de verán cando debe permanecer aberta ao público todos os días.

3º Contratar con cargo á subvención para a contratación de traballadores desempregados en colaboración coas entidade locais da Consellería de Economía, Emprego e Industria da Xunta de Galicia, un socorrista para que permaneza nas instalacións da piscina durante 2 meses sendo o prazo para iniciar o contrato o 1 de xullo de 2016, establecéndose o 5 de xullo de 2016, o prazo máximo establecido pola Xunta de Galicia, para seu inicio.

Considerando que a cobertura destas dúas prazas son unha necesidade urxente e inaprazable,

#### **Resolvo:**

1º Aprobar as bases para a contratación de persoal que cubra **2 PRAZAS DE SOCORRISTA A XORNADA COMPLETA (40 horas semanais-de luns a domingo, cos descansos establecidos na lei)**.

#### **Primeira.- Obxecto da convocatoria**

Contratar a 2 traballadores como socorristas acuáticos para a atención da piscina municipal de Boqueixón mediante un contrato en réxime laboral temporal.

A retribución (salario bruto máis seguridade social da empresa e indemnización por fin de contrato) do socorrista, con cargo á subvención concedida por deputación da coruña, é de 4-000 euros, para o período de contratación.

A retribución (salario bruto máis seguridade social da empresa e indemnización por fin de contrato) do socorrista con cargo á subvención para a contratación de traballadores desempregados en colaboración coas entidade locais da Consellería de Economía, Emprego e Industria da Xunta de Galicia e xunto coa aportación do concello de Boqueixón, é de 3.594,76 euros.

#### **Segunda.- Duración dos contratos e modalidade contractual**

- A DURACIÓN PREVISTA DO CONTRATO CON CARGO Á SUBVENCIÓN CONCEDIDA POR DEPUTACIÓN DA CORUÑA, esixe que o contrato se inicie a partir do 24 de xuño e finalice o 31 de agosto de 2016, non prorrogable. Modalidade contractual de obra ou servizo determinado. Se o contrato por calquera causa xustificada

tivese que iniciarse con data posterior ó 24 de xuño de 2016, a finalización do contrato terá lugar o 31 de agosto de 2016.

A DURACIÓN DO CONTRATO QUE SE REALIZA CON CARGO Á CONCELLERÍA DE ECONOMÍA, EMPREGO E INDUSTRIA será de 2 meses debéndose ter iniciado o 1 de xullo de 2016 en todo caso a data máxima para a contratación será o 5 de xullo de 2016. O contrato non é prorrogable. Modalidade contractual de Interese Social. Se o contrato non se pode iniciar o 1 de xullo de 2016 por calquera causa xustificada, e se inicia entre o 2 e o 5 de xullo de 2016, o contrato rematará transcurrido os dous meses, tal e como establece a resolución da concesión da Xunta de Galicia.

### **Terceira.- Condicións dos/as aspirantes para participar no proceso selectivo**

Para a admisión dos aspirantes será necesario cumprir os seguintes requisitos xerais:

- 1 Ser español/a (copia do NIF) ou membro da Unión europea.
- 2 Ter cumpridos os 18 anos.
- 3 Non padecer enfermidade ou defecto físico que inhabiliten para o desempeño normal das funcións que son obxecto do presente contrato. Presentar a declaración xurada de aptitude física e psíquica no momento de inscribirse no proceso de selección. Xúntase anexo II.
- 4 Non haber sido separado, mediante expediente disciplinario, do servizo ó Estado, ás Comunidades Autónomas ou ás Entidades Locais, nin atoparse inhabilitado para o desempeño de postos de traballo nas Administracións Públicas por sentenza xudicial firme ou resolución administrativa.
- 5 Non estar incurso en causas de incompatibilidade de conformidade co establecido na Ley 53/1994 de 26 de decembro, de incompatibilidades do persoal o servizo das administracións públicas.
- 6 *Estar en posesión do CARNÉ DA XUNTA DE GALICIA que habilita como socorrista en instalacións acuáticas e espazos acuáticos naturais (os/as aspirantes deberán acreditar con fotocopia compulsada este punto no momento de facer a solicitude de admisión no proceso selectivo). DECRETO 104/2012, do 16 de marzo, polo que se fixa a formación mínima dos socorristas acuáticos e se crea e regula o Rexistro Profesional de Socorristas Acuáticos de Galicia.*
- 7 Estar inscrito como desempregado/a no Servizo público de Emprego. Os candidatos serán preseleccionados pola Oficina de Emprego de Santiago Norte previa oferta presentada pola alcaldía do Concello de Boqueixón.

### **Cuarta.- REQUISITOS PARA A SELECCIÓN E DATAS PARA A REALIZACIÓN DAS PROBAS**

Os/as aspirantes estarán preseleccionados pola Oficina Pública de Emprego de Santiago Norte, que remitirá candidatos/os previa oferta presentada por esta entidade requerindo candidatos/as na ocupación de **Bañista - Socorrista.**

Datas para a realización das probas.- Os/as candidatos/s deberán presentarse, na data e hora que a Oficina Pública de Emprego requira (ben por carta ou por calquera outro medio de comunicación que a Oficina de Emprego acorde) nas dependencias municipais da Casa do Concello de O Forte s/n, 15881 Boqueixón (A Coruña) co DNI. Os/as candidatos/as deberán realizar unha proba escrita para optar ás prazas, e os/as

**candidatos/as deberán presentar na data que a Oficina de Emprego de Santiago Norte lle indique a documentación acreditativa esixidas no apartado de baremación de méritos, establecida na base sexta.**

Para a realización da proba escrita os/as candidatos/as terán que preparar o temario exposto no anexo I, para o cal se indica a bibliografía.

**Quinta.-** Comisión seleccionadora.

- A comisión seleccionadora será nomeada por Alcaldía e estará composto por 5 membros titulares e suplentes: un Presidente, 3 vogais, e un Secretario. De conformidade co establecido no artigo 60 da Lei 7/2007, de 12 de abril, reguladora do Estatuto Básico do Empregado Público, o tribunal calificador das probas selectivas será nomeado por Resolución de Alcaldía, velando na súa composición polo cumprimento dos principios de imparcialidade e profesionalidade dos seus membros, tendo así mesmo na súa composición a paridade entre muller e home, e sen que poidan formar parte dos mesmos, o persoal de elección ou designación política, os funcionarios interinos, nin o personal laboral temporal ou eventual, ademais a pertenza debe ser a título individual e persoal, sen que poidan facelo por conta ou representación de ninguén.

O nomeamento dos membros da comisión seleccionadora se fará por resolución de alcaldía. Dita resolución se publicará no taboleiro de anuncios do concello de Boqueixón.

Para a válida constitución do comisión seleccionadora, a efectos da celebración de sesións, deliberacións e toma de acordos requirirase a presenza do presidente e do secretario ou de quen lles substitúan, e da metade, polo menos, dos seus membros titulares ou suplentes. As decisións adoptaranse por maioría de votos dos membros presentes, resolvendo en caso de empate, o voto de calidade do presidente do Tribunal.

O Tribunal resolverá por maioría de votos dos seus membros presentes, todas as dúbidas e propostas que xurdan para a aplicación das normas contidas nestas Bases e estará facultado para resolver as cuestións que poidan suscitarse durante a realización das probas, así como para adoptar as medidas necesarias que garanten a debida orde das mesmas en todo o non previsto nas Bases. Os seus acordos serán impugnables nos supostos e formas establecidas pola Lei 30/92, de 26 de novembro. O Tribunal continuará constituído ata tanto se resolvan as reclamacións plantexadas ou as dúbidas que se poidan derivar do procedemento selectivo.

Os membros do Tribunal deberán absterse de formar parte do mesmo cando concurran neles algunha das circunstancias previstas no artigo 28 da Lei 30/92, de 26 de novembro, de conformidade co art. 13.4 do Real Decreto 364/95, de 10 de marzo. Así mesmo, os/as aspirantes poderán recusarlles se concurrese algunha daquelas circunstancias.

## **Sexta.- Proceso de selección**

Os/as aspirantes/as farán o proceso selectivo para cada unha das prazas convocadas. A calificación para o proceso se obterase do resultado final da suma das puntuacións obtidas na proba teórica e na baremación dos méritos. O/a candidato/a que obteña a maior puntuación e que participa no proceso selectivo de socorrista subvencionado pola Deputación da Coruña optará á contratación da praza, e o/a candidato/a que obteña a maior puntuación para a contratación de socorrista subvencionada pola Consellería de Economía, Emprego e Industria optará á contratación da praza. Quedando o resto dos/as aspirantes como suplentes primando a orde de puntuación acadada en cada proceso selectivo de maior a menor.

No caso de empate a orde se establecerá atendendo sucesivamente ós seguintes criterios:

- a) Maior puntuación obtida na proba teórica.
- b) Maior puntuación obtida nos apartados do baremo de méritos pola orde en que estes aparezan na convocatoria.

A Comisión valorará a documentación presentada polos/as aspirantes de acordo cos requisitos establecidos:

### **1- PROBA ESCRITA: Máximo 12 puntos.**

Consistirá en contestar un cuestionario tipo test relacionadas co posto ofertado. Este exercicio terá carácter obrigatorio e é eliminatorio. A puntuación máxima será de 12 puntos e a mínima para superar a proba é de 6 puntos

### **2- BAREMACIÓN MÉRITOS : Máximo de 8 puntos:**

**Para acceder a esta fase os/as candidatas deberán ter superado a proba escrita. E deberán acreditar na data que a Oficina Pública de Emprego de Santiago Norte convoque ós/as citados/as aspirantes, os méritos esixidos neste apartado.** A falta de acreditación dos méritos non será subsanable e xerará a non valoración dos mesmos. Os méritos que aleguen os interesados e que, de acordo co baremo previsto, desexen que se lles teñan en conta, acreditaranse debidamente por medio de documentos orixinais ou fotocopias destes, que presentarán cotexadas fidedignamente, significándose que non se valorarán aqueles méritos que a comisión considere que non estiveran suficientemente acreditados.

Os méritos admisibles e valorables serán unicamente os causados ata a data de expiración do prazo sinalado para a presentación de instancias.

A puntuación obtida nesta fase, non será eliminatoria.

Baremo para a valoración de méritos é o seguinte:

- 1) A experiencia laboral computarase ata un máximo de 5 puntos:
  - Traballos prestados como socorrista acuático na administración pública: Por cada mes completo traballado 0,50 puntos.
  - Traballos prestados como socorrista acuático en empresa privada: Por cada mes completo traballado 0,25 puntos.

A experiencia acreditarase mediante informe de vida laboral da Tesourería Xeral da Seguidade Social e mediante informe ou certificación expedida pola administración ou a empresa correspondente ou contratos de traballo).

Aqueles traballadores que traballasen no concello de Boqueixón poderán solicitar mediante a presentación do anexo III para que o concello lle expida a correspondente certificación.

2) Cursos, seminarios e xornadas relacionados co posto ofertado, a puntuación non poderá superar os 2 puntos. (NON SE VALORAN CURSOS DE INFORMÁTICA, DE IDIOMAS). Establécese o seguinte baremo:

- Cursos entre 10 e 20 horas de duración: 0,10 puntos
- Cursos entre 21 e 30 horas de duración: 0,20 puntos
- Curso entre 31 e 40 horas de duración: 0,30 puntos
- Curso entre 41 e 50 horas de duración: 0,40 puntos
- Curso de entre de 51 a 100 horas de duración: 0,50 puntos
- Curso de máis de 101 horas de duración: 1 punto

3) Cursos de galego ou validación (a puntuación non poderá superar 1 punto): só se computará o de nivel máis alto.

Celga 4 ou Curso de perfeccionamento á lingua galega ou validación: 1 punto.

Celga 3 ou Curso de iniciación á lingua galega ou validación: 0,75 puntos.

Celga 2: 0,50 puntos.

Celga 1: 0,25 puntos.

As dúbidas que se susciten serán resoltas pola citado tribunal, que terá a facultade de interpretar estas bases, facendo constar na acta correspondente os acordos adoptados.

**Sétima.-** Rematada a selección, o Tribunal publicará no taboleiro os nomes dos/as participantes titulares dos postos seleccionados/as coa súa puntuación correspondente, e nomes do candidatos/as suplentes que terá vixencia mentres se manteñan as circunstancias que deron lugar a esta convocatoria.

#### **Oitava.- Proposta de contratación**

Unha vez rematado o proceso de selección, a proposta da Comisión de Selección será elevada ao alcalde para que formule a contratación das persoas que obteñan a mellor puntuación, en número que non supere a das prazas obxecto da convocatoria.

A formalización do contrato realizarase conforme ó previsto na lexislación vixente.

#### **Novena.- Incidencias.**

A Comisión Seleccionadora queda autorizada para resolver as dúbidas que se presenten, e para adoptar os acordos necesarios para o bo funcionamento do proceso de selección, en todo o non previsto nestas bases, facendo constar na acta correspondente os acordos adoptados.

**Décima.-** A presente Resolución presentárase xunto coa oferta pública presentada na Oficina de Emprego Público de Santiago Norte, no Taboleiro de Anuncios do Concello de Boqueixón., e na páxina WEB do concello de Boqueixón [www.boqueixon.com](http://www.boqueixon.com)

## Anexo I. Temario

### Primeiros auxilios:

- Anatomía e fisioloxía do corpo humano.
- Avaliación do paciente.
- Control da vía aérea e da ventilación.
- Reanimación, cardiopulmonar e DESA (adulto e pediátrico).
- Hemorragias, lesións en tecidos brandos e tratamento do shock.
- Traumatismos térmicos (quemaduras).
- Traumatismos musculoesqueléticos.
- Levantamento e desprazamento dos pacientes.
- Urgencias médicas (dolor torácico, ICTUS, hipoglucema, convulsións,...)
- Avaliación do paciente.
- Manexo da vía aérea.
- Manexo de hemorragias e feridas.
- Manexo de fracturas.
- Movilización e e inmovilización.
- Urgencias médicas.
- Simulación de casos prácticos en diversas situación e ubicacións onde se desenvolve o traballo dos alumnos.
- Salvamento acuático:
  - Socorrismo acuático: conceptos, obxectivos
  - Secuencia de actuación nun rescate acuático
  - Utilización de diverso material en rescates acuáticos, tubo de rescate e táboa de rescate
  - Rescates acuáticos son material...
  - Lexislación en salvamento e socorrismo


### Bibliografía:

- Abraldes, JA. y Nava, S. (2013): Desfibrilador externo semiautomático. Formación y actualización. A Coruña. FESSGA.
- Abraldes, JA. (2006): Salvamento e socorrismo. Secuencias de rescate en el medio acuático. A Coruña- FESSGA.
- Rodriguez, N., Martinez, P., Gallego, L. y Lucas, JJ (2008): Guía rápida de primeros auxilios en deporte. A Coruña. FESSGA.
- DECRETO 104/2012, do 16 de marzo, polo que se fixa a formación mínima dos socorristas acuáticos e se crea e regula o Rexistro Profesional de Socorristas Acuáticos de Galicia.

En Boqueixón, 15 de xuño de 2016

Ovidio Rodeiro Tato

O alcalde





CONCELLO DE BOQUEIXÓN  
(A CORUÑA)

Forte s/n - Boqueixón  
Teléfono: 981- 51 30 61  
Fax: 981- 51 30 00  
C.I.F.: P-1501200-H  
C. electr.: [correo@boqueixon.es](mailto:correo@boqueixon.es)  
WEB: [www.boqueixon.com](http://www.boqueixon.com)

**Anexo II**  
**DECLARACIÓN XURADA DE APTITUDE FÍSICA E PSÍQUICA**

Nome e apelidos:.....  
DNI:..... Data nacemento:.....  
Domicilio:.....  
Localidade:..... Provincia:.....  
Código postal: ..... Núm. Teléfono:.....  
E-mail:.....

Baixo a promesa ou xuramento e baixo a miña enteira responsabilidade, **DECLARO** que non padezo enfermidade infecto-contaxiosa, e que conto cas condicións físicas e psíquicas necesarias para a realización das actividades físicas de máximo esforzó, fora e dentro da auga, que require o posto de traballo.

Asemesmo, **DECLARO** ter sido informado polo Concello de Boqueixón que no suposto de que eu teña dúbidas sobre si padezo alguna enfermidade infecto-contaxiosa e que reúno as condicións psíquicas e físicas necesarias para a realización do traballo, é aconsellable que, con carácter previo á contratación, faga un recoñecemento médico que descarte a existencia dalgunha enfermidade infecto-contaxiosa e/ou dalgún problema que puidese impedir a normal realización do traballo nas condicións debidas podendo aportar certificado médico acreditativo deses extremos.

Para que conste e surta os efectos oportunos, asino a presente,

Boqueixón, .....de ..... de 2016

O/A interesado/a:.....







CONCELLO DE BOQUEIXÓN  
(A CORUÑA)

Forte s/n – Boqueixón  
Teléfono: 981- 51 30 61  
Fax: 981- 51 30 00  
C.I.F.: P-1501200-H  
C. electr.: [correo@boqueixon.es](mailto:correo@boqueixon.es)  
WEB: [www.boqueixon.com](http://www.boqueixon.com)

**Anexo III**

**Solicitud de certificación laboral do Concello de Boqueixón para valorar na fase de méritos do proceso selectivo de socorristas (2016)**

Nome e apelidos:.....  
DNI:..... Data nacemento:.....  
Domicilio:.....  
Localidade:..... Provincia:.....  
Código postal: ..... Núm. Teléfono:.....  
E-mail:.....

**DECLARA** ter traballado nesta entidade local, e **SOLICITA**, para o efectos de que lle sexa valorado os méritos no apartado de experiencia laboral neste proceso selectivo, un certificado da experiencia laboral expedido polo concello de Boqueixón.

Boqueixón, .....de.....de 2016

O/A interesado/a:.....